





LL
T316pE

P. TERENTI PHORMIO.

EDIDIT

CAROLUS GUIL. ELBERLING, Dr. Phil.

83869
28/9/07

HAVNIAE.

SUMPTIBUS LIBRARIAE GYLDENDALIANAE (F. Hegel).

TYPIS SCHULTZIANIS.

MDCCCLX.

P. TERENTI PHORMIO.

ACTA LUDIS ROMANIS L. POSTUMIO ALBINO L. CORNELIO
MERULA AEDILIB. CURULIB. EGERE L. AMBIVIUS TURPIO,
L. ATILIUS^W PRAENESTINUS. MODOS FECIT FLACCUS
CLAUDI TIPUS INPÂRIB. TOTA GRAECA APOLLODORU
EPIDICAZOMENOS. FACTA EST IIII. C. FANNIO M. VALERIO
COSS.

C. SULPITI APOLLINARIS PERIOCHA IN PHORMIONEM.

Chremetis frater aberat peregre Demipho.
Relicto Athenis Antiphone filio.
Chremes clam habebat Lemni uxorem et filiam.
Athenis aliam coniugem et amantem unice
Gnatum fidicinam. Mater e Lemno advenit
Athenas; moritur. Virgo sola (aberat Chremes)
Funus procurat. Ibi eam visam cum Antipho
Amaret, opera parasiti uxorem accipit.
Pater et Chremes reversi fremere. Dein minas
Triginta dant parasito, ut illam confūgēm
Haberet ipse. Argento hoc emitur fidicina.
Uxorem retinet Antipho a patruo agnitam.

P E R S O N A E.

PHORMIO	parasitus.	DAVOS	servos.
DEMIPHO	senex.	SOPHRONA	nutrix.
ANTIPHO	adulescens.	NAUSISTRATA	matrona.
GETA	servos.	HEGIO	
DORIO	leno.	CRATINUS	advocati.
CHREMES	senex.	CRITO	
PHAEDRIA	adulescens.		

PROLOGUS.

Postquam poeta vetus poetam non potest
Retrahere ab studio et transdere hominem in otium,
Maledictis deterrere, ne scribat, parat;
Qui ita dietat, quas antehac fecit fabulas,
Tenui esse oratione et scriptura levit: 5
Quia nusquam insanum scripsit adulescentulum
Cervam videre fugere, et sectari canes,
Et eam plorare, orare, ut subveniat sibi.
Quod si intellegereret, olim cum stetit nova,
Actoris opera magis stetisse quam sua, 10
Minus multo audacter, quam nunc laedit, laederet.
Nunc si quis est, qui hoc dicat aut sic cogitat:
Vetus si poeta non lacessisset prior.
Nullum invenire prologum potuisse novos.
Quem diceret, nisi haberet, cui malediceret: 15
Is sibi responsum hoc habeat, in medio omnibus
Palmam esse positam, qui artem tractant musicam.
Ille ad famem hunc ab studio studuit reicere;
Hic respondere voluit, non lacessere.
Benedictis si certassel, audisset bene; 20
Quod ab illo adlatumst, sibi esse idrellatum putet.
De illo iam finem faciam dicundi mibi,
Peccandi cum ipse de se finem non facit?
Nunc quid velim, animum adtendite. Adporto novam,
Epidicazomenon quam vocant comoediam 25
Graeci, Latini Phormionem nominant,
Quia primas partis qui aget, is erit Phormio
Parasitus, per quem res geretur maxime,
Voluntas vostra si ad poetam accesserit.
Date operam, adeste aequo animo per silentium, 30
Ne simili utamur fortuna, atque usi sumus,
Cum per tumultum noster grex motus locost;

Quem actoris virtus nobis restituit locum
Bonitasque vostra adiutans atque aequanimitas.

ACTUS I. SCAENA I.

DAVOS.

Amicus summus meus et popularis Geta
Heri ad me venit; erat ei de ratiuncula
Iampridem apud me reliquum pauxillulum
Nummorum; id ut conficerem. Confeci, adfero.
Nam erilem filium eius duxisse audio 5
Uxorem; ei credo munus hoc conraditur.
Quam inique comparatumst, ii, qui minus habent,
Ut semper aliquid addant divitioribus?
Quod ille unciatim vix de demenso suo,
Suum defrudans genium, copersit miser, 10
Id illa universum abripiet, haut existumans
Quanto labore partum. Porro autem Geta
Ferietur alio munere, ubi era pepererit;
Porro alio autem, ubi erit puero natalis dies,
Ubi initiabunt: omne hoc mater auferet: 15
Puer caussa erit mittundi. Set videon' Getam?

ACTUS I. SCAENA II.

GETA. DAVOS.

GE. Si quis me quaeret rufus — DA. Praestost, desine.
GE. Oh.
At ego obviam conabar tibi. Dave. DA. Accipe, em
Lectumst; conveniet numerus, quantum debui.
GE. Amo te et non neglexisse habeo gratiam.
DA. Praesertim ut nunc sunt mores, adeo res redit: 5
Si quis quid reddit, magna habendast gratia.
Set quid tu es tristis? GE. Egone? nescis, quo in metu et
Quanto in pericolo simus. DA. Quid istuc est? GE. Scies,
Modo ut tacere possis. DA. Abi sis, insciens:
Cuius tu fidem in pecunia perspexeris, 10
Verere verba ei credere? ubi quid mihi lucrist
Te fallere? GE. Ergo ausculta. DA. Hanc operam tibi dico.
GE. Senis nostri, Dave, fratrem maiorem Chremem
Nostine? DA. Quidni? GE. Quid? eius gnatum Phae-
driam?

D.A. Tam quam te. **GE.** Evenit senibus ambobus simul, 15
 Iter illi in Leminum ut esset, nostro in Ciliciam
 Ad hospitem antiquum. Is senem per epistolas
 Pellexit, modo non montis auri pollicens.
D.A. Cui tanta erat res et supererat? **GE.** Desinas;
 Sic est ingenium. **D.A.** Oh, regem me esse oportuit. 20
GE. Abenutes ambo hinc tum senes me filiis
 Relinquont quasi magistrum. **D.A.** O Geta, provinciam
 Cepisti duram. **GE.** Mi usus venit, hoc scio.
 Memini relinqu me deo irato meo.
 Coepi advorsari primo; quid verbis opust? 25
 Seni fidelis dum sum, scapulas perdidi.
 Venere in mentem mi istae: namque inseitiast
 Advorsum stimulum calces. Coepi iis omnia
 Facere, obsequi quae vellent. **D.A.** Scisti uti foro.
GE. Noster mali nil quicquam primo; hic Phaedria 30
 Continuo quandam nactus est puellulam
 Citharistram, hanc amare coepit perdite.
 Ea serviebat lenoni inpurissimo;
 Neque, quod daretur, quicquam; id curarant patres.
 Restabat aliud nil nisi oculos pascere, 35
 Sectari, in ludum ducere et reducere.
 Nos otiosi operam dabamus Phaedriæ,
 In quo haec discebat ludo, exadvorsum ei loco
 Tonstrina erat quaedam; hic solebamus fere
 Plerunque eam opperiri, dum inde iret domum. 40
 Interea dum sedemus illi, intervenit
 Adulescens quidam lacrumanus. Nos mirarier;
 Rogamus, quid sit. Numquam aequa, inquit, ac modo
 Paupertas mihi onus visumst et miserum et grave.
 Modo quandam vidi virginem hic viciniae 45
 Miseram suam matrem lamentari mortuam;
 Ea sita erat exadvorsum, neque illi benevolens
 Neque notus neque cognatus extra unam aniculam
 Quisquam aderat, qui adiutaret funus. Miseritumst.
 Virgo ipsa facie egregia. Quid verbis opust? 50
 Commorat omnis nos. Ibi continuo Antipho:
 Voltisne eamus visere? Alius: censeo;
 Eamus; duc nos sodes. Imus, venimus.
 Videmus: virgo pulchra; et quo magis diceres,
 Nihil aderat adjumenti ad pulchritudinem; 55
 Capillus passus, nudus pes, ipsa horrida,

Lacrumae, vestitus turpis; ut, ni vis boni
In ipsa inesset forma, haec formam extinguerent.
Ille, qui illam amabat fidicinam, tantummodo,
Satis, inquit, scitast; noster vero. — DA. Iam scio; 60.
Amare coepit. GE. Scin' quam? quo evadat, vide.
Postridie ad anum recta pergit; obsecrat,
Ut sibi eius faciat copiam. Illa enim se negat,
Neque eum aequoī facere ait; illam civem esse Atticam,
Bonam, bonis prognatam; si uxorem velit, 65
Lege id licere facere; sin aliter, negat.
Noster, quid ageret, nescire: et illam ducere
Cupiebat et metuebat absentem patrem.
DA. Non, si redisset, ei pater veniam daret?
GE. Ille indotatam virginem atque ignobilem 70
Daret illi? Numquam faceret. DA. Quid sit denique?
GE. Quid fiat? Est parasitus quidam Phormio,
Homo confidens; qui illum Di omnes perduint.
DA. Quid is fecit? GE. Hoc consilium, quod dicam, dedit:
Lex est, ut orbæ, qui sunt genere proxumi, 75
Ils nubant, et illos ducere eadem haec lex iubet.
Ego te cognatum dicam et tibi scribam dicam;
Paterno amicum me adsimulabo virginis;
Ad iudices veniemus; qui fuerit pater,
Quae mater, qui cognata tibi sit, omnia haec 80
Consingam, quod erit mihi bonum atque commodum;
Cum tu horum nil refelles, vincam scilicet.
Pater aderit; mihi paratae lites. Quid mea?
Illa quidem nostra erit. DA. Iocularē audaciam.
GE. Persuasumst homini; factumst; ventumst; vincimur; 85
Duxit. DA. Quid narras? GE. Hoc, quod audis. DA. O
Geta,
Quid te futurumst? GE. Nescio hercle; unum hoc scio:
Quod fors feret, teremus aequo animo. DA. Placet;
Hem, istue virist officium. GE. In me omnis spes mihi.
DA. Laudo. GE. Ad precatorem adeam, credo, qui mihi 90
Sic oret: Nunc amitto quaequo hunc; ceterum
Posthaec si quicquam, nil precor; tantummodo
Non addit: ubi ego hinc abiero, vel occidito.
DA. Quid paedagogus ille, qui citharistram?
Quid rei gerit? GE. Sic, tenuiter. DA. Non multum
habet, 95
Quod det, fortasse. GE. Immo nihil nisi spem meram.

DA. Pater eius rediit an non? GE. Nondum. DA. Quid?
senem

Quoad expectatis vostrum? GE. Non certum seio;
Set epistolam ab eo adlatam esse audivi modo
Et ad portiores esse delatam; hanc petam. 100
DA. Numquid, Geta, aliud me vis? GE. Ut bene sit tibi.
Puer heus. Nemon' hue prodit? Cape. da hoc Dorceo.

ACTUS II. SCENA I. [AL. ACT. I. SC. III.]
ANTIPHO. PHAEDRIA.

AN. Adeon' rem redisse, ut, qui mi consultum optime
velit esse,
Phaedria, patrem ut extimescam, ubi eius adventi venit
in mentem?

Quod ni fuisse incogitans, ita eum expectarem, ut par
fuit.

PH. Quid istuc? AN. Rogitas? qui tam audacis facinoris
mihi conscius sis?

Quod utinam ne Phormioni id suadere in mentem incidisset, 5
Neu me cupidum eo inpusisset, quod mi principiumst mali.
Non potitus essem; fuisse tum illos mi aegre aliquot dies;
At non cotidiana cura haec angeret animum — PH. Audio.

AN. Dum exspecto, quam mox veniat, qui hanc mihi adi-
mat consuetudinem.

PH. Aliis, quia desit quod amant, aegrest; tibi, quia su-
perest, dolet. 10

Amore abundas, Antipho.

Nam tua quidem hercule certo vita haec expetenda optanda-
quest.

Ita me Di bene ament, ut mi liceat tamdiu, quod amo,
frui,

Iam depecisci morte cupio. Tu conicito cetera,
Quid ego ex hac inopia nunc capiam. et quid tu ex istac
copia; 15

Ut ne addam, quod sine sumptu ingenuam liberalem na-
clus es;

Quod habes, ita ut voluisti, uxorem sine mala fama palam;
Beatus, ni unum hoc desit, animus qui modeste istuc ferat.
Quod si tibi res sit cum eo lenone, quocum mist, tum sen-
tias.

Ita plerique ingenio sumus omnes: nostri nosmet poenitet. 20

AN. At tu mihi contra nunc videre fortunatus, Phaedria,
Cui de integrost potestas etiam consulendi, quid velis:
Retinere amorem an mittere; ego in eum incidi infelix
locum,

Ut neque mihi eius sit amittendi nec retinendi copia.
Set quid hoc est? video Getam currentem huc ad-
venire? 25

Is est ipius. Ei timeo miser, quam hic mihi nunc nun-
tiet rem.

ACTUS II. SCAENA II. [AL. ACT. I. SC. IV.]

GETA. ANTIPO. PHAEDRIA.

GE. Nullus, Geta, nisi aliquod iam consilium celere re-
pereris;

Ita nunc inparatum subito tanta te inpendent mala;
Quae neque uti devitem scio. neque quomodo me inde
extraham;

Nam non potest celari nostra diutius iam audacia.

[Quae si non astu providentur, me aut erum pessum da-
bunt.] 5

AN. Quidnam ille commotus venit?

GE. Tum temporis mihi punctum ad hanc remst; erus
adest. AN. Quid istuc malist?

GE. Quod cum audierit, quod eius remedium inveniam
iracundiae?

Loquarne? incendam; taceam? instigem; purgem me? la-
terem lavem.

Eheu me miserum; cum mibi paveo. tum Antiphon me
excruciat animi; 10

Eius me miseret; ei nunc timeo; is nunc me retinet; nam
absque eo esset,

Recte ego mihi vidi sem et senis essem ultus iracundiam;
Aliquid convasassem atque hinc me protinam conicerem
in pedes.

AN. Quamnam hic fugam aut furtum parat?

GE. Set ubi Antiphonem reperiam? aut qua quaerere in-
sistam via? 15

PH. Te nominat. AN. Nescio quod magnum hoc nuntio
expecto malum. PH. Ah,

Sanun' es? GE. Domum ire pergam; ibi plurimumst.
PH. Revocemus hominem. AN. Sta illico. GE. Hem,

Satis pro imperio, quisquis es. AN. Geta. GE. Ipsest,
quem volui obviam.

AN. Cedo, quid portas, obsecro? atque id, si potes, verbo expedi.

GE. Faciam. AN. Eloquere. GE. Modo apud portum — AN. Meumne? GE. Intellexi. AN. Occidi. PH. Hem. 20

AN. Quid agam? PH. Quid ais? GE. Huius patrem videsse me, patrum tuum.

AN. Nam quod ego huic nunc subito exitio remedium inveniam miser?

Quod si eo meae fortunae redeunt, Phanium, abs te ut distrahar,

Nullast mihi vita expetenda. GE. Ergo istaee cum ita sint, Antipho,

Tanto magis te advigilare aequomist. Fortis fortuna adiuvat. 25

AN. Non sum apud me. GE. Atqui opus est nunc eum maxime, ut sis, Antipho;

Nam si senserit te timidum pater esse, arbitrabitur Conmeruisse culpam. PH. Hoc verumst. AN. Non possum immutarier.

GE. Quid faceres, si aliud quid gravius tibi nunc faciendum foret?

AN. Cum hoc non possum, illud minus possem. GE. Hoc nihil est. Phaedria; illicet. 30

Quid hie conterimus operam frustra? quin abeo. PH. Et quidem ego. AN. Obsecro;

Quid si adsimulo? sat' est? GE. Garris. AN. Voltum contemplamini. Em,

Satine sic est? GE. Non. AN. Quid si sic? GE. Proposendum. AN. Quid sic? GE. Sat est;

Em, istue serva; et verbum verbo, par pari ut respondeas, Ne te iratus suis saevidieis dictis protelet. AN. Scio. 35

GE. Vi coactum te esse invitum, lege, iudicio; tenes? Set quis hic est senex, quem video In ultima platea? AN.

Ipsus est.

Non possum adesse. GE. Ah, quid agis? quo abis, Antipho?

Mane, inquam. AN. Egomet me novi et peccatum meum; Vobis commendabo Phanium et vitam meam. 40

PH. Geta, quid nunc fiet? GE. Tu iam lites audies; Ego plectar pendens, nisi quid me fefellerit.

Set quod modo hic nos Antiphonem monuimus,
Id nosmet ipsos facere oportet. Phaedria.

PH. Aufer mi oportet; quin tu, quid faciam, inpera. 45
GE. Meministin', olim ut fuerit vostra oratio

In re incipiunda ad defendendam noxiām,
Iustum illam caussam, facilem, vincibilem, optumam?

PH. Memini. GE. Em, nunc ipsast opus ea aut, si quid
potest,

Meliore et callidiore. PH. Fiet sedulo. 50

GE. Nunc prior adito tu; ego in subsidiis hic ero
Succenturiatus. si quid deficias. PH. Age.

ACTUS II. SCAENA III. [AL. SC. I.]

DEMIPHO. GETA. PHAEDRIA.

DE. Itane tandem uxorem duxit Antipho iniussu meo?
Nec meum imperium. ac mitto imperium, non simultatem
meam

Revereri saltem? non pudere? o facinus audax. o Geta
Monitor. GE. Vix tandem. DE. Quid mihi dicent? aut
quam caussam reperient?

Demiror. GE. Atqui repperi iam: alind cura. DE. An
hoc dicet mihi: 5

Invitus feci; lex coegit? Audio, fateor. GE. Places.

DE. Verum scientem, tacitum caussam tradere advorsariis,
Etiamne id lex coegit? GE. Illud durum. PH. Ego ex-
pediam; sine.

DE. Incertumst, quid agam. quia praeter spem atque
incredibile hoc mi obtigit;

Ita sum irritatus, animum ut nequeam ad cogitandum
instituere. 10

Quamobrem omnis, cum secundae res sunt maxume, tum
maxume

Meditari secum oportet. quo pacto advorsam aerumnam
ferant:

Pericla, damna, exilia peregre rediens semper cogitet,
Aut fili peccatum aut uxoris mortem aut morbum filiae;
Communia esse haec: ne quid horum umquam accidat ani-
mo novom: 15

Quidquid praeter spem evinit, omne id deputare esse
in lucro.

GE. O Phaedria. incredibilest, quantum erum anteo sapientia.

Meditata mili sunt omnia mea incommoda, erus si redierit:
Molendumst in pistrino, vapulandum, habendae compedes,
Opus ruri faciundum; horum ifil quiequam accidet animo
novom. 20

Quidquid praeter spem eveniet, omne id deputabo esse
in lucro.

Set quid cessas hominem adire et blande in principio ad-
loqui?

DE. Phaedriam mei fratris video filium mi ire obviam.

PH. Mi patrue, salve. DE. Salve; set ubist Antiphō?

PH. Salvom venire — DE. Credo; responde hoe mihi. 25

PH. Valet; hic est; set satir' omnia ex sententia?

DE. Vellem quidem. PH. Quid istuc est? DE. Rogitas,
Phaedria?

Bonas me absente hie confeceistis nuptias.

PH. Eho, an id suscenses nunc illit? GE. O artificem
probum.

DE. Egon' illi non suscenseam? ipsum gestio 30

Dari mi in conspectum, nunc sua culpa ut sciat

Lenem patrem illum factum me esse acerrimum.

PH. Atqui nil fecit, patrue, quod suscenseas.

DE. Ecce autem similia omnia; omnes congruant;

Unum cognoris, omnis noris. PH. Haut itast. 35

DE. In noxia hic est. ille ad defendendum adest;

Cum illest, praesto hic est; tradunt operas mutuas.

GE. Probe horum facta imprudens depinxit senex.

DE. Nam ni haec ita essent, cum illo haut stares, Phaedria.

PH. Sist. patrue, culpam ut Antiphō in se admiserit, 40
Ex qua re minus rei foret aut famae temperans.

Non caussam dico, quin, quod meritus sit, ferat.

Set si quis forte malitia fretus sua

Insidias nostrae fecit adulescentiae

Ac vicit, nostran' culpa east an iudicūm, 45

Qui saepe propter invidiam admunt diviti

Aut propter misericordiam addunt pauperi?

GE. Ni nossem caussam, crederem vera hunc loqui.

DE. An quisquam iudex est, qui possit noscere

Tua iusta, ubi tute verbum non respondeas, 50

Ita ut ille fecit? PH. Functus adulescentulist

ACTUS III. SCAENA I. [AL. ACT. II. SC. II.]

PHORMIO. GETA.

PH. Itane patris ait conspectum veritum hinc abisse? **GE.**
Admodum

PH. Phanium relictum solam? **GE.** Sic. **PH.** Et iratum
senem?

- GE. Oppido. PH. Ad te summa solum, Phormio, rerum reddit;
 Tute hoc intristi, tibi omnem exedendum; accingere.
 GE. Obseero te. PH. Si rogabit — GE. In te spes est.
5
 PH. Eccere.
 Quid si reddet? GE. Tu iupulisti. PH. Sic opinor. GE.
 Subveni.
 PH. Cedo senem; iam instructa sunt mihi in corde consilia
 omnia.
 GE. Quid ages? PH. Quid vis, nisi uti maneat Phanium,
 atque ex crimine hoc
 Antiphonem eripiam atque in me omnem iram derivem
 senis?
 GE. O vir fortis atque amicus. Verum hoc saepe, Phormio,
10
 Vereor, ne istaec fortitudo in nervom erumpat denique.
 PH. Ah,
 Non itast; factumst periculum, iam pedum visast via.
 Quot me censes homines iam deverberasse usque ad necem,
 Hospites, tum civis? quo magis novi, tanto saepius.
 Cedo dum, enī umquam iniuriarum audisti mihi scriptam
 dicam?
15
 GE. Qui istuc? PH. Quia non rete accipitri tenditur neque miluo,
 Qui male faciunt nobis, illis, qui nil faciunt, tenditur;
 Quia enim in illis fructus est, in illis opera luditur.
 Aliis aliundest periculum, unde aliquid abradi potest;
 Mihi sciunt nil esse. Dices: ducent datum domum.
20
 Alere nolunt hominem edacem; et sapiunt mea sententia,
 Pro maleficio si beneficium summum nolunt reddere.
 GE. Non poteris satis pro merito ab illo tibi referri gratia.
 PH. Immo enim nemo satis pro merito gratiam regi refert.
 Ten' asymbolum venire, unctum atque lautum e balneis.
25
 Otiosum ab animo, cum ille et cura et sumptu absunitur,
 Dum tibi sit, quod placeat? ille ringitur, tu rideas;
 Prior bibas, prior decumbas; coena dubia adponitur.
 GE. Quid istuc verbist? PH. Ubi tu dubites, quid sumas
 potissimum.
 Haec, cum rationem ineas, quam sint suavia et quam cara sint,
30
 Ea qui praebet, non tu hunc habeas plane praesentem deum?

GE. Senex adest; vide, quid agas; prima coitiost acer-
ruma;

Si eam sustinueris, post illa iam, ut lubet, ludas licet.

ACTUS III. SCAENA II. [AL. ACT. II. SC. III.]

DEMIPHO. GETA. PHORMIO. HEGIO.

CRATINUS. CRITO.

DE. En unquam cuiquam contumeliosius
Audistis factam iniuriam, quam haec est mihi?
Adeste quaeso. GE. Iratus est. PH. Quin tu hoc age;
Iam ego hunc agitabo. Pro deum immortalium,
Negat Phanium esse hanc sibi cognatam Denipho? 5

Hanc Demipho negat esse cognatam? GE. Negat.

DE. Ipsum esse opinor, de quo agebam; sequimini.

PH. Neque eius patrem se scire, qui fuerit? GE. Negat.

PH. Nec Stilphonem ipsum scire, qui fuerit? GE. Negat.

PH. Quia egens relictast misera, ignoratur parens, 10

Neglegitur ipsa; vide. avaritia quid facit.

GE. Si erum insimulabis malitiae, male audies.

DE. O audaciam, etiamne ultro accussatum advenit?

PH. Nam iam adulescenti nihil est quod suscensem, 15

Si illum minus norat; quippe homo iam grandior,

Pauper, cui opera vita erat. ruri fere

Se continebat; ibi agrum de nostro patre

Colendum habebat. Saepe interea mihi senex

Narrabat, se hunc neglegere cognatum suum;

At quem virum? quem ego viderim in vita optumum. 20

GE. Videas te atque illum, ut narras. PH. I in malam
crucem;

Nam ni ita eum existimassem, numquam tam gravis

Ob hanc inimicitias caperem in vostram familiam,

Quam is aspernatur nunc tam inliberaliter.

GE. Pergin' ero absenti male loqui, inpurissime? 25

PH. Dignum autem hoc illost. GE. Ain' tamen, cancer?

DE. Geta.

GE. Bonorum extortor, legum contortor. DE. Geta.

PH. Responde. GE. Quis homost? ehem. DE. Tace. GE.

Absenti tibi

Te indignas seque dignas contumelias

Numquam cessavit dicere. DE. Ohe desine.

Adulescens, primum abs te hoc bona venia expeto,

30

Si tibi placere potis est, mi ut respondeas:
 Quem amicum tuum ait fuisse istum? explana mihi,
 Et qui cognatum me sibi esse diceret.

PH. Proinde expiscare, quasi non nosses. DE. Nossem?
 PH. Ita. 35

DE. Ego me nego; tu, qui ait, redige in memoriam.

PH. Echo, tu sobrinum tuum non noras? DE. Enicas;
 Dic nomen. PH. Nomen? DE. Maxume; quid nunc taces?

PH. Perii herele, nomen perdidisti. DE. Hem, quid ait?
 PH. Geta,

Si meministi id, quod olim dictumst, subice. Hem, 40
 Non dico; quasi non noris, templatum advenis.

DE. Ego nam templo? GE. Stilpho. PH. Atque adeo
 quid mea?

Stilphost. DE. Quem dixisti? PH. Stilphonem, inquam,
 noveras.

DE. Neque ego illum noram, neque mi cognatus fuit
 Quisquam istoc nomine. PH. Itane? non te horum pudet? 45
 At si talentum rei reliquisset decem. —

DE. Di tibi malefaciant. PH. Primus es, memoriter
 Progeniem vostram usque ab avo atque atavo proferens.

DE. Ita ut dicis. Ego tum, cum advenissem, qui mibi
 Cognata ea esset, dicerem: itidem tu face: 50
 Cedo. quist cognata? GE. En noster, recte; heus tu, cave.

PH. Dilucide expedivi, quibus me oportuit,
 Iudicibus; tum id si falsum fuerat, filius
 Cur non refellit? DE. Filium narras mihi?

Cuius de stultitia dici, ut dignumst, non potest. 55

PH. At tu, qui sapiens es, magistratus adi,
 Iudicium de eadem caussa iterum ut reddant tibi;
 Quandoquidem solus regnas, et soli licet
 Hic de eadem caussa bis iudicium apiseier.

DE. Etsi mihi facta iniuriast, verum tamen 60
 Potius quam lites secter aut quam te audiam,
 Itidem ut cognata si sit, id quod lex iubet
 Dotem dare, abduce hanc, minas quinque accipe.

PH. Ha, ha, hae, homo suavis. DE. Quid? num iniquum
 postulo?

An ne hoc quidem ego adipiscar, quod ins publicumst? 65

PH. Itan' tandem, quaequo, item ut meretricem ubi abusus sis,
 Mercedem dare lex iubet eii atque amittere?

An, ut ne quid turpe civis in se admitteret

Propter egestatem, proxumo iussast dari,
Ut cum uno aetatem degeret? quod tu vetas. 70
DE. Ita, proxumo quidem; at nos unde? aut quamobrem?
PH. Ohe,
Actum, aiunt, ne agas. **DE.** Non agam? int̄mo haut de-
sinam,
Donec perfecero hoc. **PH.** Ineptis. **DE.** Sine modo.
PH. Postremo tecum nil rei nobis Demiphōst;
Tuus est damnatus gnatus, non tu; nam tua 75
Praeterierat iam ad ducendum aetas. **DE.** Omnia haec
Illum putato, quae ego nunc dico. dicere,
Aut quidem cum uxore hac ipsum prohibebo domo.
GE. Iratus est. **PH.** Tute idem melius feceris.
DE. Itane es paratus facere me advorsum omnia, 80
Infelix? **PH.** Metuit hic nos, tametsi sedulo
Dissimulat. **GE.** Bene habent tibi principia. **PH.** Quin,
quod est
Ferundum, fers? tuis dignum factis feceris,
Ut amici inter nos simus. **DE.** Egon' tuam expetam
Amicitiam? aut te visum aut auditum velim? 85
PH. Si concordabis cum illa, habebis, quae tuam
Senectutem oblectet; respice aetatem tuam.
DE. Te oblectet; tibi habe. **PH.** Minue vero iram. **DE.**
 Illo age;
Satis iam verborumst; nisi tu properas mulierem
Abducere, ego illam eiciam. Dixi, Phormio. 90
PH. Si tu illam adtigeris secus, quam dignumst liberam,
Dicam tibi inpingam grandem. Dixi, Demipho.
Si quid opus fuerit. heus domo me. **GE.** Intellego.

ACTUS III. SCAENA III. [AL. ACT. II. SC. IV.]

DEMIPHO. GETA. HEGIO. CRATINUS. CRITO.

DE. Quanta me cura et sollicitudine adficit
Gnatus, qui me et se hisce impedivit nuptiis?
Neque mi in conspectum prodit, ut saltem sciam,
Quid de hac re dicat, quidve sit sententiae.
Abi, vise, redieritne iam an nondum domum. 5
GE. Eo. **DE.** Videtis, quo in loco res haec siet.
Quid ago? dic, Hegio. **HE.** Ego? Cratinum censeo.
Si tibi videtur. **DE.** Dic, Cratine. **CRAT.** Mene vis?

DE. Te. CRAT. Ego, quae in rem tuam sint, ea velim facias; mihi
 Sic hoc videtur: quod te absente hic filius 10
 Egit, restitui in integrum aequomst et bonum,
 Et id inpetrabis. Duxi. DE. Die nunc, Hegio.
 HE. Ego sedulo hunc dixisse credo; verum itast:
 Quot homines, tot sententiae: suus cuique mos.
 Mihi non videtur, quod sit factum legibus, 15
 Rescindi posse; et turpe inceptumst. DE. Dic, Crito.
 CRIT. Ego amplius deliberandum censeo:
 Res magnast. HE. Numquid nos vis? DE. Fecistis probe.
 Incertior sum multo quam dudum. GE. Negant
 Redisse. DE. Frater est expectandus mihi; 20
 Is quod mihi de hac re dederit consilium, id sequar.
 Percontatum ibo ad portum, quoad se recipiat.
 GE. At ego Antiphonem quaeram, ut, quae acta hic sint,
 sciat.
 Set eecum ipsum video in tempore hue se recipere.

ACTUS III. SCAENA IV. [AL. SC. I.]

ANTIPHO. GETA.

AN. Enimvero, Antipho, multimodis cum istoc animo es vituperandus.
 Itane te hinc abisse et vitam tuam tutandam aliis dedisse?
 Alios tuam rem credidisti magis quam tete animadversuros?
 Nam ut ut erant alia, illi certe, quae nunc tibi domist,
 consuleres,
 Ne quid propter tuam fidem decepta potiretur mali; 5
 Cuius nunc miserae spes opesque sunt in te uno omnes sitae.
 GE. Et quidem, ere, nos iamdudum hic te absentem in-
 cusanus, qui abieris —
 AN. Te ipsum quaerebam. GE. Set ea caussa nihilo ma-
 gis defecimus.
 AN. Loquere, obsecro: quoniam in loco sunt res et for-
 tunae meae?
 Numquid patri subolet? GE. Nil etiam. AN. Equisd speii
 porrost? GE. Nescio. AN. Ah. 10
 GE. Nisi Phaedria hanc cessavit pro te eniti. AN. Nil fe-
 cit novi.

- GE. Tum Phormio itidem in hac re ut aliis strenuum hominem praebuit.
 AN. Quid is fecit? GE. Confutavit verbis admodum iratum senem.
 AN. Eu, Phormio. GE. Ego, quod potui, sporro. AN. Mi-Geta, omnis vos amo.
 GE. Sic habent principia sese, ut dico; adhuc tranquilla res est, 15
 Mansurusque patrum pater est, dum hoc adveniat. AN.
 Quid eum? GE. Ut aibat,
 De eius consilio sese velle facere, quod ad hanc rem adtinet.
 AN. Quantus metus est mihi, venire hoc salvum nunc patrum, Geta?
 Nam per eius unam, ut audio, aut vivam aut moriar sententiam.
 GE. Phaedria tibi adest. AN. Ubinamist? GE. Ecce, ab sua palaestra exit foras. 20

ACTUS III. SCAENA V. [AL. SC. II.]

PHAEDRIA. DORIO. ANTIPIO. GETA.

- PH. Dorio, audi, obsecro. DO. Non audio. PH. Parumper. DO. Quin omitte me.
 PH. Audi, quod dicam. DO. At enim taedet iam audire eadem milies.
 PH. At nunc dicam, quod lubenter audias. DO. Loquere, audio.
 PH. Nequeo te exorare, ut maneas triduum hoc? quo nunc abis?
 DO. Mirabar, si tu mihi quicquam adferres novi. AN. Ei 5
 Metuo lenonem, ne quid suo suat capiti. GE. Idem ego vereor.
 PH. Non mihi credis? DO. Hariolare. PH. Sin fidem do.
 DO. Logi.
 PH. Faeneratum istuc beneficium pulchre tibi dices. DO. Fubulae.
 PH. Crede mihi, gaudebis facto; verum hercle hoc est.
 DO. Somnia. 10
 PH. Experire; non est longum. DO. Cantilenam eandem canis.
 PH. Tu cognatus, tu parens, tu amicus, tu — DO. Garri modo.

- PH. Adeon' ingenio esse duro te atque inexorabili,
Ut neque misericordia neque precibus molliri queas?
- DO. Adeon' te esse incogitantem atque imprudentem, Phaedria,
Ut phaleratis dictis ducas me et meam ductes gratiis? 15
AN. Misericordumst. PH. Ei, veris vincor. GE. Quam uter-
que similis sui.
- PH. Neque Antipho alia cum occupatus esset sollicitudine,
Tum hoc esse mi obiectum malum? AN. Ah, quid istuc
autemst. Phaedria?
- PH. O fortunatissime Antipho. AN. Egone? PH. Cui,
quod amas, domist;
Nec cum huiusmodi umquam usus venit ut conflictares
malo. 20
- AN. Min' domist? immo, id quod aiunt, auribus teneo lupum;
Nam neque, quo paeto a me amittam, neque, uti retine-
am, scio.
- DO. Ipsum istuc mi in hoc est. AN. Heia, ne parum le-
no sies.
Numquid hic confecit? PH. Hiccine? quod homo inhu-
manissimus:
Pamphilam meam vendidit. GE. Quid? vendidit? AN.
Ain'? vendidit? 25
- PH. Vendidit. DO. Quam indignum facinus, ancillam aere
emptam suo
- PH. Nequeo exorare, ut me maneat et cum illo ut mutet
fidem
Triduum hoc, dum id, quod est promissum, ab amicis ar-
gentum aufero.
Si non tum dedero, unam praeterea horam ne opportus sies.
- DO. Obtundis. AN. Hanc longumst. quod orat, Dorio;
exoret sine; 30
- Idem hic tibi, quod bene promeritus fueris, conduplicaverit.
- DO. Verba istaec sunt. AN. Phamphilamne hac urbe pri-
vari sines?
Tum praeterea horunc amorem distrahi poteris' pati?
- DO. Neque ego neque tu. GE. Di tibi omnes id, quod
es dignus, duint.
- DO. Ego te compluris advorsum ingenium meum mensis
tuli 35
- Pollicitantem et nil ferentem, flentem; nunc contra omnia
haec
- Repperi, qui det neque lacrumeret; da locum melioribus.

AN. Certe hercle, ego si satis commemini, tibi quidemst
olim dies.
 Quoad dares huic, praestituta. PH. Factum. DO. Num ego
istuc nego?
 AN. Iam ea praeteriit? DO. Non; verum haec ei anteces-
sit. AN. Non pudet 40
 Vanitatis? DO. Minume, dum ob rem. GE. Sterculinum.
 PH. Dorio,
 Itane tandem facere oportet? DO. Sic sum; si placebo, utere.
 AN. Siccine hunc decipis? DO. Immo enimvero hic. An-
tipho, me decipit;
 Nam hic me huiusmodi scibat esse, ego hunc esse aliter
credidi.
 Iste me fefellit, ego isti nihilo sum aliter ac fui. 45
 Set ut ut haec sunt, tamen hoc faciam: cras mane ar-
gentum mihi
 Miles dare se dixit; si mihi prior tu adulteris, Phaedria,
 Mea lege utar, ut potior sit, qui prior ad dandumst. Vale.

ACTUS III. SCAENA VI. [AL. SC. III.]

PHAEDRIA. ANTIPO. GETA.

PH. Quid faciam? unde ego nunc tam subito huic argen-
tum inveniam miser,
 Cui minus nihilost? quod si hinc potè fuisse exorarier
 Triduum hoc. promissum fuerat. AN. Itane hunc patie-
mur, Geta,
 Fieri miserum. qui me dudum. ut dixti, adiurit comiter?
 Quin, cum opus est, beneficium rursum ei experimur red-
dere? 5
 GE. Scio equidem hoc esse aequom. AN. Age ergo, so-
lus servare hunc potes.
 GE. Quid faciam? AN. Invenias argentum. GE. Cupio;
set, id unde, edoce.
 AN. Pater adest hic. GE. Scio; set quid tum? AN. Ah,
dictum sapienti sat est.
 GE. Itane? AN. Ita. GE. Sane hercle pulchre suades;
etiam tu hinc abis?
 Non triumpho, ex nuptiis tuis si nil nanciscor mali, 10
 Ni etiam nunc me huius caussa querere in malo iubeas
crucem?

- AN. Verum hic dicit. PH. Quid? ego vobis, alienus sum? GE. Haut puto;
 Set parumnes, quod omnibus nunc nobis suscenset senex,
 Ni instigemus etiam, ut nullus locus relinquatur preci?
 PH. Alius ab oculis meis illam in ignotum abducet locum? hem. 15
 Quin igitur, dum licet dumque adsum, loquimini mecum,
 Antiphon;
 Contemplamini me. AN. Quamobrem? aut quidnam facturus? cedo.
 PH. Quoquo hinc asportabitur terrarum, certum est persequi
 Aut perire. GE. Di bene vortant, quod agas; pedetem-
 ptim tamen.
 AN. Vide, si quid opis potes adferre huic. GE. Si quid?
 quid? AN. Quaere, obsecro. 20
 Ne quid plus minusve faxit, quod nos post pigeat, Geta.
 GE. Quaero; salvos est, ut opinor: verum enim metuo
 malum.
 AN. Noli metuere; una tecum bona, mala tolerabimus.
 GE. Quantum opus argenti? eloquere. PH. Istaec vero
 vilis est. 25
 GE. Triginta? hui percarastr, Phaedria. PH. Istaec vero
 vilis est.
 GE. Age, age, inventas reddam. PH. O lepidum. GE.
 Aufer te. PH. Iam opust. GE. Iam feres;
 Set opus est mi Phormionem ad hanc rem adiutorem dari.
 AN. Praestost; audacissime oneris quidvis impone, et feret;
 Solus est homo amico amicus. GE. Eamus ergo ad eum
 ocius.
 AN. Numquid est, quod opera mea vobis opus sit? GE.
 Nil; verum abi domum 30
 Et illam miseram, quam ego nunc intus scio esse exani-
 matam metu,
 Consolare. Cessas? AN. Nihil est, aequa quod faciam lubens.
 PH. Qua via istuc facies? GE. Dicam in itinere; modo
 te hinc amove.

ACTUS IV. SCAENA I.

DEMIPHO. CHREMES.

DE. Quid? qua profectus caussa hinc es Lemnum, Chreme,

Adduxit' tecum filiam? CH. Non. DE. Quid sita non?
 CH. Postquam videt me eius mater esse hic diutius.
 Simul autem non manebat aetas virginis
 Meam neglegentiam: ipsam cum omni familia 5
 Ad me profectam esse aibant. DE. Quid illic tamdiu,
 Quaeso. igitur commorabare, ubi id audiveras?
 CH. Pol me detinuit morbus. DE. Unde? aut qui? CH.
 Rogas?
 Senectus ipsast morbus. Set venisse eas
 Salvas audivi ex nanta, qui illas vexerat. 10
 DE. Quid gnato obtigerit me absente, audistin', Chreme?
 CH. Quod quidem me factum consili incertum facit;
 Nam hanc conditionem si cui tulero extrario,
 Quo pacto aut unde mihi sit, dicundum ordinest.
 Te mihi fidelem esse aequa. atque egomet sum mihi, 15
 Scibam; ille si me alienus ad finem volet,
 Tacebit, dum intercedet familiaritas;
 Sin spreverit me, plus, quam opus est scito, sciet;
 Vereorque, ne uxor aliqua hoc resciscat mea.
 Quod si sit, ut me executiam atque egrediar domo, 20
 Id restat; nam ego meorum solus sum meus.
 DE. Scio ita esse, et istaec mihi res sollicitudinist;
 Neque defetiscar usque adeo experirier,
 Donec tibi id, quod pollicitus sum, effecero.

ACTUS IV. SCAENA II.

GETA.

Ego hominem callidiorem vidi neminem
 Quam Phormionem. Venio ad hominem. ut dicerem
 Argentum opus esse, et id quo pacto fieret.
 Vix dum dimidium dixeram, intellexerat;
 Gaudebat; me laudabat; quaerebat senem; 5
 Dis gratias agebat, tempus sibi dari,
 Ubi Phaedriae se ostenderet nihilo minus
 Amicum se esse quam Antiphoni. Hominem ad forum
 Iussi opperiri: eo me esse adducturum senem.
 Set ecce ipsum. Quis est ulterior? atat, Phaedriae 10
 Pater venit. Set quid pertimui autem belua?
 An quia, quos fallam, pro uno duo sunt mihi dati?
 Commodius esse opinor dupli spe utier.

Petam hinc, unde a primo institui; is si dat, sat est;
Si ab eo nil fiet, tum hunc adoriar hospitem. 15

ACTUS IV. SCENA III.

ANTIPHO. GETA. CHREMES. DEMIPHO.

AN. Expecto, quam mox recipiat sese Geta;
Set patruum video eum patre adstantem. Ei mihi,
Quam timeo, adventus huius quo impellat patrem.
GE. Adibo. O salve noster Chreme. CH. Salve, Geta.
GE. Venire salvom volupest. CH. Credo. GE. Quid agi-
tur? 5

CH. Multa. advenienti ut fit; nova hie conpluria.
GE. Ita. De Antiphone audistin' quae facta? CH.
Omnia.

GE. Tun' dixeras huic? facinus indignum, Chreme,
Sic circumiri. DE. Id eum hoc agebam commodum.
GE. Nam hercle ego quoque id quidem agitans mecum
sedulo 10

Inveni, opinor, remedium huic rei. CH. Quid, Geta?
DE. Quod remedium? GE. Ut abii abs te, fit forte ob-
viam

Mihi Phormio. CH. Qui Phormio? GE. Is, qui istam —
CH. Scio.

GE. Visumst mi, ut eius temptarem prius sententiam.
Prendo hominem solum; Cur non, inquam, Phormio, 15
Vides, inter vos sie haec potius cum bona
Ut conponantur gratia quam eum mala?

Erus liberalis est et fugitans litium;
Nam ceteri quidem hercle amici omnes modo
Uno ore auctores fuere, ut praecipitem hanc daret. 20
AN. Quid hic coeptat aut quo evadet hodie? GE. An le-
gibus

Daturum poenas dices, si illam eiecerit?
Iam id exploratumst; heia, sudabis satis,
Si cum illo inceptas homine; ea eloquentiast.
Verum pono esse victum eum; at tandem tamen 25
Non capit is eius res agitur, set pecuniae.
Postquam hominem his verbis sentio mollirier,
Soli sumus nunc, inquam, hic; eho, quid vis dari
Tibi in manum, ut erus his desistat litibus,
Haec hinc facessat, tu molestus ne sies? 30

- AN. Satin' illi di sunt propitii? GE. Nam sat scio,
 Si tu aliquam partem aequi bonique dixeris.
 Ut est ille bonus vir, tria non commutabis
 Verba hodie inter vos. DE. Quis te istaec iussit loqui?
 CH. Immo non potuit melius pervenirier 35
 Eo, quo nos volumus. AN. Occidi, CH. Perge eloqui.
 GE. A primo homo insanibat. DE. Cedo, quid postulat?
 GE. Quid? nimium quantum. CH. Quantum? dic. GE.
 Si quis daret
 Talentum magnum — DE. Immo malum hercle; ut nil
 pudet?
 GE. Quod dixi adeo eii: quaeso, quid si filiam 40
 Suam unicam locaret? Parvi rettulit
 Non suscepisse; inventast, quae dotem petat.
 Ut ad pauca redeam ac mittam illius ineptias.
 Haec denique eius fuit postrema oratio:
 Ego, inquit, iam a principio amici filiam, 45
 Ita ut aequom fuerat, volui uxorem ducere;
 Nam mihi venibat in mentem eius incommodum.
 In servitutem pauperem ad ditem dari;
 Set mi opus erat, ut aperte tibi nunc fabuler,
 Aliquantulum quae adferret, qui dissolverem, 50
 Quae debo; et etiam nunc, si volt Demipho
 Dare, quantum ab hac accipio, quae sponsast mihi.
 Nullam mihi malim quam istanc uxorem dari.
 AN. Utrum stultitia facere ego hunc an malitia -
 Dicam, scientem an imprudentem, incertus sum. 55
 DE. Quid, si animam debet? GE. Ager oppositust pi-
 gnori
 Ob decem minas, inquit. DE. Age, age, iam ducat; dabo.
 GE. Aediculae item sunt ob decem alias. DE. Oieī.
 Nimiumst. CH. Ne clama; petito illasce a me decem.
 GE. Uxori emunda ancillulast; tum pluscula 60
 Supellectile opus est; opus est sumptu ad nuptias;
 His rebus sane pone, inquit, decem minas.
 DE. Sescentas proinde scribito iam mihi dicas;
 Nil do; inpuratus me ille ut etiam inrideat?
 CH. Quaeso, ego dabo, quiesce; tu modo filius 65
 Fac ut illam ducat, nos quam volumus. AN. Ei mihi;
 Geta, occidisti me tuis fallaciis.
 CH. Mea caussa eicitur; me hoc est aequom amittere.
 GE. Quantum potest, me certiorem, inquit, face;

Si illam dant, hanc ut mittam, ne incertus siem; 70
 Nam illi mihi dotem iam constituerunt dare.
CH. Iam accipiat; illis repudium renuntiet;
 Hanc ducat. **DE.** Quae quidem illi res vortat male.
CH. Opportune adeo argentum nunc mecum adtuli,
 Fructum, quem Lemni uxoris reddunt praedia. 75
 Inde sumam; uxori, tibi opus esse, dixero.

ACTUS IV. SCAENA IV.

ANTIPHO. GETA.

AN. Geta. **GE.** Hem. **AN.** Quid egisti? **GE.** Emunxi ar-
 gento senes.
AN. Satin' est id? **GE.** Nescio hercule; tantum iussus sum.
AN. Echo, verbero, aliud mihi respondes ac rogo?
GE. Quid ergo narras? **AN.** Quid ego narrem? opera tua
 Ad restim mi quidem res redit planissime. 5
 Ut te quidem omnes Di, Deae, superi, inferi,
 Malis exemplis perdant. **EM.** si qnid velis,
 Huic mandes, qui te ad scopulum e tranquillo auferat.
 Quid minus utibile fuit quam hoc uleus tangere
 Aut nominare uxorem? inieetast spes patri 10
 Posse illam extrudi. Cedo nunc porro, Phormio
 Dotem si accipiet, uxor ducendast domum:
 Quid fiet? **GE.** Non enim dueet. **AN.** Novi; ceterum
 Cum argentum repetent, nostra caussa scilicet
 In nervom potius ibit. **GE.** Nihil est, Antipho, 15
 Quin male narrando possit depravarier.
 Tu id, quod bonist, exercebis, dicis, quod malist.
 Audi nunc contra iam: si argentum acceperit,
 Duceendas uxor, ut aies; concedo tibi;
 Spatium quidem tandem apparandis nuptiis, 20
 Vocandi, sacrificandi dabitur paululum.
 Interea amici, quod polliciti sunt, dabunt;
 Inde iste reddet. **AN.** Quamobrem? aut quid dicet? **GE.**
 Rogas?
 Quot res postilla monstra evenerunt mihi?
 Introit in aedis ater alienus canis; 25
 Anguis per impluvium decidit de tegulis;
 Gallina cecinit; interdixit hariolus;
 Aruspex velut ante brumam aliquid novi
 Negoti incipere; quae caussast iustissuma.

Haec fient. **AN.** Ut modo fiant. **GE.** Fient; me vide. 30
Pater exit: abi, die esse argentum Phaedriae.

ACTUS IV. SCAENA V.

DEMIPHO. **GETA.** **CHREMES.**

DE. Quietus esto, inquam; ego curabo, ne quid verbo-
rum duit.

Hoc temere numquam amittam ego a me, quin mihi te-
stis adhibeam;

Cui dem, quamobrem dem, conmemorabo. **GE.** Ut cau-
tus est. ubi nihil opust.

CH. Atque ita opus factost; et matura, dum lubido eadem
haec manet;

Nam si altera illaec magis instabit forsitan nos reiciat. 5

GE. Rem ipsam putasti. **DE.** Duc me ad eum ergo. **GE.**
Non moror. **CH.** Ubi hoc egeris.

Transito ad uxorem meam, ut conveniat hanc, prius quam
hinc abit;

Dicat eam dare nos Phormioni nuptum, ne suscenseat;
Et magis esse illum idoneum, qui ipsi sit familiarior;
Nos nostro officio nil degressos esse; quantum is voluerit, 10
Datum esse dotis. **DE.** Quid tua, malum, id refert? **CH.**
Magni, Demipho.

Non satis est tuum te officium fecisse. id si non fama
adprobat.

Volo ipsius quoque voluntate haec fieri, ne se electam
praedicet.

DE. Idem ego istuc facere possum. **CH.** Mulier mulieri
magis congruit.

DE. Rogabo. **CH.** Ubi illas nunc ego reperire possim, co-
gito. 15

ACTUS IV. SCAENA VI. [AL. ACT. V. SC. I.]
SOPHRONA. **CHREMES.**

SO. Quid agam? quem mi amicum inveniam misera? aut
quo consilia haec referam? aut

Unde mi auxilium petam?

Nam vereor, era ne ob meum suasum indigne iniuria ad-
ficiatur;

Ita patrem adolescentis facta haec tolerare audio violenter.

cn. Nam quae haec anus est, exanimata a fratre quae
egressast meo? 5
so. Quod ut facerem, egestas me inpullit, cum scirem in-
firmas nuptias
Hasce esse, ut id consulerem, interea vita ut in tuto foret.
cn. Certe edepol, nisi me animus fallit, aut parum pro-
spiciunt oculi,
Meae nutricem gnatae video. so. Neque ille investigatur —
cn. Quid ago?
so. Qui eius pater est. cn. Adeo? an maneo, dum, haec
quae loquitur, magis cognosco? 10
so. Quod si eum nunc reperire possim, nihil est, quod
verear. cn. East ipsa;
Conloquar. so. Quis hic loquitur? cn. Sophrona. so.
Et meum nomen nominat?
cn. Respice ad me. so. Di, obsecro vos, estne hic Stil-
pho? cn. Non. so. Negas?
cn. Conecede hinc a foribus paulum istorum sodes, So-
phrona.
Ne me istoc posthac nomine appellassis. so. Quid? non,
obsecro, es, 15
Quem semper te esse dictasti? cn. St. so. Quid has
metuis foris?
cn. Conclusam hic habeo uxorem saevam; verum istoc
me nomine
Eo perperam olim dixi, ne vos forte imprudentes foris
Effutiretis, atque id porro aliqua uxor mea reseisceret.
so. Istoc pol nos te hic invenire miserae numquam potui-
mus. 20
cn. Eho, dic mihi, quid rei tibist cum familia hac, unde exis?
Ubi illae sunt? so. Miseram me. cn. Hem, quid est?
vivontne? so. Vivit gnata.
Matrem ipsam ex aegritudine hac miseram mors consecutast.
cn. Male factum. so. Ego autem, quae essem amus de-
serta, egens, ignota,
Ut potui, nupsum virginem locavi huic adulescenti, 25
Harum quis dominus aedium. cn. Antiphonine? so. Isti
inquam ipsi.
cn. Quid? duasne is uxores [habet]? so. Au, obsecro;
unam ille quidem hanc solam.
cn. Quid illam alteram, quae dicitur cognata? so. Haec
ergost. cn. Quid ais?

- so. Conposito factumst, quo modo hanc amans habere
posset
Sine dote. ch. Di vostram fidem, quam saepe forte te-
mere 30
Eveniunt, quae non audeas optare? offendit adveniens,
Quicum volebam atque ut volebam, conlocatam filiam.
Quod nos ambo opere maxumo dabamus operam ut fieret,
Sine nostra cura maxuma sua cura haec sola fecit.
so. Nunc quid opus facto sit, vide; pater adulescentis ve-
nit, 35
Eumque animo iniquo hoc oppido ferre aiunt. ch. Nil
periclist.
Set per deos atque homines, meam esse hanc cave rescis-
cat quisquam.
so. Nemo ex me scibit. ch. Sequere me; intus cetera
audiemus.

ACTUS V. SCAENA I. [AL. SC. II.]

DEMIPHO. GETA.

- de. Nostrapte culpa facimus, ut malos expediat esse,
Dum nimium dici nos bonos studemus et benignos.
Ita fugias, ne praeter casam, quod aiunt. Nonne id sat erat
Accipere ab illo iniuriam? etiam argentumst ultro obiectum,
Ut sit, qui vivat, dum aliud aliquid flagiti conficiat. 5
ge. Planissume. de. Iis nunc praemiumst, qui recta
prava faciunt.
ge. Verissume. de. Ut stultissime quidem illi rem ges-
serimus.
ge. Modo ut hoc consilio possiet discedi, ut istam ducat.
de. Etiamne id dubiumst? ge. Hanc scio hercle, ut
homost, an mutet animum.
de. Hem, mutet autem? ge. Nescio; verum, si forte,
dico. 10
de. Ita faciam, ut frater censuit, ut uxorem huc eius
adducam,
Cum ista ut loquatur. Tu, Geta, abi prae; nuntia hanc
venturam.
ge. Argentum inventumst Phaedriae: de iurgio siletur;
Provisumst, ne in praesentia haec hinc abeat; quid nunc
porro?
Quid fiet? in eodem luto haesitas; vorsura solvis, 15

Geta; praesens quod fuerat malum, in diem abiit; plagae
crescunt,

Nisi prospicis. Nunc hinc domum ibo ac Phanium edocebo,
Ne quid vereatur Phormionem aut eius orationem.

ACTUS V. SCAENA II. [AL. SC. III.]

DEMIPHO. NAUSSISTRATA. CHREMES.

DE. Agedum, ut soles, Nausitrata, fac illa ut placetur
nobis,
Ut sua voluntate id, quod est faciendum, faciat. NA. Fa-
ciam.

DE. Pariter nunc opera me adiuvas, ac re dudum opitu-
lata es.

NA. Factum volo; ac pol minus queo viri culpa, quam
me dignumst.

DE. Quid autem? NA. Quia pol mei patris bene parta
indiligerent 5

Tutatur; nam ex iis praediis talenta argenti bina
Capiebat statim; hemi vir viro quid praestat? DE. Bina
quaeso?

NA. Ac rebus vilioribus multo, tamem talenta bina. DE. Hui.

NA. Quid haec videntur? DE. Scilicet. NA. Virum me-
natum velle;

Ego ostenderem — DE. Certo scio. NA. Quo pacto —
DE. Parce, sodes. 10

Ut possis cunct illa, ne te adulescens mulier defetiget.

NA. Faciam, ut iubes; set meum virum abs te exire vi-
deo. CH. Ehem. Demipho,
Iam illi datumst argentum? DE. Curavi illico. CH. Nol-
lem datum.

Ei, video uxorem; paene plus. quam sat erat. DE. Cur
nolles, Chreme?

CH. Iam recte. DE. Quid tu? ecquid locutus cum ista
es, quamobrem hanc ducimus? 15

CH. Transeggi. DE. Quid ait tandem? CH. Abduei non
potest. DE. Qui non potest?

CH. Quia uterque utriques cordi. DE. Quid istue nostra?
CH. Magni, praeter haec

Cognatam conperi esse nobis. DE. Quid? deliras? CH. Sic. erit;
Non temere dico; redii mecum in memoriam. DE. Satin'
sanus es?

- NA. Au, obsecro, vide, ne in cognatam pecces. DE. Non
est. CH. Ne nega; 20
Patris nomen aliud dictumst; hoc tu errasti. DE. Non
norat patrem?
- CH. Norat., DE. Cur aliud dixit? CH. Numquamne hodie
concedes mihi
Neque intelleges? DE. Si tu nil narras. CH. Pergis? NA.
Miror, quid hoc siet.
- DE. Evidem hercle nescio. CH. Vin' scire? at ita me
servet Iuppiter,
Ut propior illi, quam ego sum ac tu, homo nemost. DE.
Di vostram fidem. 25
Eamus ad ipsam; una omnis nos aut scire aut nescire
hoc volo. CH. Ah.
- DE. Quid est? CH. Itan' parvam mihi fidem esse apur
te? DE. Vin' me credere?
Vin' satis quaesitum mi istuc esse? Age fiat. Quid? illa filia
Amici nostri quid futurumst? CH. Recte. DE. Hanc igi
tur mittimus?
- CH. Quidni? DE. Illa maneat? CH. Sic. DE. Ire igitur
tibi licet, Nausistrata. 30
- NA. Sic pol commodius esse in omnis arbitror, quam ut
cooperas,
Manere hanc; nam perliberalis visast, cum vidi, mihi.
- DE. Quid istuc negotist? CH. Iamne operuit ostium? DE.
Iam. CH. O Iuppiter,
Di nos respiciunt; gnata miveni nuptam cum tuo filio.
DE. Hem,
- Quo pacto id potuit? CH. Non satis tutus est ad narran
dum hic locus. 35
- DE. At tu intro abi. CH. Heus, ne filii quidem nostri
hoc resciscant, volo.

ACTUS V. SCAENA III. [AL. SC. IV.]

ANTIPHO.

Laetus sum, ut meae res sese habent, fratri obtigisse quod
volt.
Quam seculum, eiusmodi parare in animo cupiditates,
Quas, cum res advorsae sient, paulo mederi possis?
Hic simul argentum repperit, eura sese expedivit;

Ego nullo possum remedio me evolvere ex his turbis, 5
 Quin, si hoc celetur, in metu, sin patefit, in probro sim.
 Neque me domum nunc reciparem, ni mi esset spes ostenta
 Huiusce habendae. Set ubinam Getam invenire possim,
 Ut rogem, quod tempus conveniundi patris me capere
 iubeat?

ACTUS IV. SCAENA II. [AL. SC. V.]

PHORMIO. ANTIPO.

PH. Argentum accepi, tradidi lenoni, abduxo mulierem,
 Curavi, propria ea Phaedria ut poteretur; nam emissas manu.
 Nunc una mihi res etiam restat, quaest conficiunda, otium
 Ab senibus ad potandum ut habeam; nam aliquot hos su-
 man dies.

AN. Set Phormiost. Quid ais? PH. Quid? AN. Quidnam
 nunc facturus Phaedria? 5
 Quo pacto satietatem amoris ait se velle absumere?

PH. Vicissim partis tuas acturus. AN. Quas? PH. Ut f-
 git patrem;
 Te suas rogavit rursum ut ageres, caussam ut pro se dices;
 Nam potaturus est aput me. Ego me ire senibus Sunium
 Dicam ad mercatum ancillulam emptum, dudum quam dixit
 Geta; 10

Ne, cum hic non videant me, confidere credant argentum
 suum.

Set ostium concrepuit abs te. AN. Vide. qui egrediatur.
 PH. Getast.

ACTUS V. SCAENA I. [AL. SC. VI.]

GETA. ANTIPO. PHORMIO.

GE. O fortuna, o fors fortuna, quantis commoditatibus.
 Quam subito meo ero Antiphoni ope vestra hunc onerasti
 diem —

AN. Quidnam hic sibi volt? GE. Nosque amicos eius exo-
 nerasti metu?

Set ego nunc mihi cesso, qui non humerum hunc onero pallio
 Atque hominem propero invenire, nt haec, quae contige-
 rent, sciatis? 5

AN. Num tu intellegis, quid hic narret? PH. Num tu? AN.
 Nil. PH. Tantundem ego.

- GE. Ad lenonem hinc ire pergam; ibi nunc sunt. AN. Heus
Geta. GE. Em tibi.
Num mirum aut novomst revocari, cursum cum institeris?
AN. Geta.
GE. Pergin'? hercle numquam tu odio me vinces. AN.
Non manes?
GE. Vapula. AN. Id quidem tibi iam fiet, nisi resistis, ver-
bero. 10
GE. Familiariorem oportet esse hunc; minitatur malum.
Set isnest, quem quaero, an non? ipsust. Congredere actu-
tum. AN. Quid est?
GE. O omnium, quantumist, qui vivont, hominuna homo
ornatissime;
Nam sine controversia ab dis solus diligere, Antipho.
AN. Ita velim; set, qui istuc credam ita esse, mihi dici
velim. 15
GE. Satin' est, si te delibutum gaudio reddo? AN. Enicas.
PH. Quin tu hinc pollicitationes aufer et, quod fers, cedo.
GE. Oh,
Tu quoque aderas, Phormio? PH. Aderam; set tu cessas?
GE. Accipe, em.
Ut modo argentum tibi dedimus apud forum, recta domum
Sumus profecti; interea mittit erus me ad uxorem tuam. 20
AN. Quamobrem? GE. Omitto proloqui; nam nihil ad
hanc remst, Antipho.
Ubi in gynaeceum ire occipio, puer ad me adcurrit Mida:
Pone adprehendit pallio, resupinat; respicio. rogo,
Quamobrem retineat me; ait esse vetitum intro ad eram
accedere;
Sophrona modo fratrem hue, inquit, senis introduxit Chre-
meni, 25
Eumque nunc esse intus cum illis. Hoc ubi ego audivi,
ad foris
Suspenso gradu placide ire perrexii: accessi; astiti;
Animam compressi; aurem admovi; ita animum coepi ad-
tendere,
Hoc modo sermonem captans. AN. Eu. Geta. GE. Hic pul-
cherrimum
Facinus audivi; itaque paene herele exclamavi gaudio. 30
AN. Quod? GE. Quodnam arbitrare? AN. Nescio. GE.
Atqui mirificissimum:
Patruus tuus est pater inventus Phanio uxori tuae. AN. Hem,

Quid ais? GE. Cum eius consuevit olim matre in Lemno
clanculum.

PH. Somnium; utn' haec ignoraret suum patrem? GE.
Aliquid credito,

Phormio, esse caussae; set me censem' potuisse omnia 35

Intellegere extra ostium, intus quae inter sese ipsi egerint?

AN. Atque hercle ego quoque illam inaudivi fabulam. GE.

Inimo etiam dabo,

Quo magis credas: patruus interea inde luc egreditur foras:

Haut multo post cum patre idem recipit se intro denuo;

Ait uterque tibi potestatem eius habendae se dare; 40

Denique ego sum missus, te ut requirerem atque adducere-

rem. AN. Em.

Quin ergo rape me: quid cessas? GE. Fecero. AN. O mi
Phormio,

Vale. PH. Vale, Antipho.

ACTUS V. SCAENA VI. [AL. SC. VII.]

PHORMIO.

Bene, ita me Di audent, factum; gaudeo
Tantam fortunam de improviso esse his datum.

Summa eludendi occasiost mi nunc senes

Et Phaedriæ curam adimere argentariam,

Ne cuiquam suorum aequalium supplex siet; 5

Nam idem hoc argentum, ita ut datumst, ingratis

Ei datum erit; hoc qui cogam, re ipsa repperi.

Nunc gestus mibi voltusquest capiundus novos.

Set hinc concedam in angiportum hoc proximum;

Inde hisce ostendam me, ubi erunt egressi foras. 10

Quo mē adsimularam ire ad mercatum, non eo.

ACTUS V. SCAENA VII. [AL. SC. VIII.]

DEMIPHO. CHREMES. PHORMIO.

DE. Dis magnas merito gratias habeo atque ago,

Quando evenere haec nobis, frater, prospere.

Quantum potest, nunc conveniundus Phormiost,

Prius quam dilapidat nostras triginta minas,

Ut auferamus. PH. Demiphonem, si domist, 5

Visam, ut quod — DE. At nos ad te ibamus, Phormio.

PH. De eadem hac fortasse caussa. DE. Ita herele. PH.
Credidi.

Quid ad me ibatis? ridiculum: verebamini,
Ne non id facerem, quod receperissem semel?

Heus, quanta quanta haec mea paupertas est, tamen 10
Adhuc curavi unum hoc quidem, ut mi esset fides.

CH. Estne ita, uti dixi, liberalis? DE. Oppido.

PH. Idque adeo venio nuntiatum, Demipho,
Paratum me esse; ubi voltis, uxorem date.

Nam omissis posthabui mihi res, ita uti par fuit, 15
Postquam tantopere id vos velle animadverteram.

DE. At hic dehortatus est me, ne illam tibi darem;
Nam qui erit rumor populi, inquit, si id feceris?

Olim cum honeste potuit, tum non est data:

Nunc viduam extrudi turpest; ferme eadem omnia, 20
Quae tute dudum coram me incussaveras.

PH. Satis superbe inluditis me. DE. Qui? PH. Rogas?
Quia ne alteram quidem illam potero ducere:

Nam quo redibo ore ad eam, quam contempserim?

CH. Tum autem Antiphonem video ab sese amittere 25
Invitum eam, inque. DE. Tum autem video filium
Invitum sane mulierem ab se amittere.

Set transi sodes ad forum atque illud mihi
Argentum rursum iube rescribi. Phormio.

PH. Quodne ego discripsi porro illis, quibus debui? 30

DE. Quid igitur fiet? PH. Si vis uxorem dare,
Quam despondisti, ducam; sin est, ut velis

Manere illam apud te, dos hic maneat, Demipho.

Nam non est aequum me propter vos decipi,
Cum ego vestri honoris caussa repudium alterae 35

Remiserim, quae dotis tantundem dabat.

DE. I in malam rem hinc cum istac magnificentia.
Fugitive. Eliam nunc credis te ignorarier

Aut tua facta adeo? PH. Inritor. DE. Tunc hanc duceres,
Si tibi daretur? PH. Fac periculum. DE. Ut filius 40

Cum illa habitat apud te, hoc vostrum consilium fuit.

PH. Quaesо, quid narras? DE. Quin tu mi argentum cedo.

PH. Immo vero uxorem tu cedo. DE. In ius ambula

PH. Enimvero si porro esse odiosi pergitis —

DE. Quid facies? PH. Egone? vos me indotatis modo 45
Patrocinaari fortasse arbitramini;

Etiam dotatis soleo. CH. Quid id nostra? PH. Nihil.

Hic quandam noram, cuius vir uxorem — ch. Hem. de.
Quid est?

PH. Lemni habuit aliam — ch. Nullus sum. PH. Ex qua filiam

Suscepit; et eam clami educat. ch. Sepultus sum. 50

PH. Haec adeo ego illi iam denarrabo. ch. Obsecro,

Ne facias. PH. Oh, tune is eras? de. Ut ludos facit.

ch. Missum te facimus. PH. Fabulae. ch. Quid vis tibi?

Argentum quod habes, condonamus te. PH. Audio.

Quid vos, malum, ergo me sic ludificamini, 55

Inepti, vostra puerili sententia?

Nolo, volo; volo, nolo rursum; cape, cedo;

Quod dictum, indictumst; quod modo ratum erat, inritumst.

ch. Quo pacto aut unde haec hic rescivit? de. Nescio,
Nisi me dixisse nemini id certo seio. 60

ch. Monstri, ita me Di ament. simile. PH. Inieci scrupulum. de. Hem.

Hiccine ut a nobis tantum hoc argenti auferat,
Tam aperte inridens? emori hercle satius est.

Animo virili praesentique ut sis, para;

Vides tuum peccatum esse elatum foras, 65

Neque iam id celare posse te uxorem tuam;

Nunc quod ipsa ex aliis auditura sit, Chreme,
Id nosmet indicare placabilius est.

Tum hunc inpuratum poterimus nostro modo

Ulcisci. PH. Atattat, nisi mi prospicio, haereo; 70

Hi gladiatorio animo ad me affectant viam.

ch. At vereor, ut placari possit. de. Bono animo es;
Ego redigam vos in gratiam. hoc fretus, Chreme,

Cum e medio excessit, unde haec suspectast tibi.

PH. Itane agitis necum? satis astute adgredimini. 75

Non hercle ex re istius me instigasti, Demipho.

Ain' tu? ubi, quae lubitum fuerit, peregre feceris,

Neque huius sis veritus seminae primariae,

Quin novo modo eii faceres contumeliam,

Venias nunc precibus lautum peccatum tuum? 80

Hisce ego illam dictis ita tibi incensam dabo,

Ut ne restinguas, lacrumis si extillaveris.

de. Malum quod isti Di Deaeque omnes dunt.

Tantane affectum quemquam esse hominem audacia?

Non hoc publicitus scelus hinc deportarier 85

In solas terras? CH. In id redactus sum loci,
 Ut. quid agam cum illo, nesciam prorsum. DE. Ego scio:
 In ius eamus. PH. In ius? hue, si quid lubet.
 DE. Adsequere, retine, dum ego huc servos evoco.
 CH. Enim nequeo solus; adcurre. PH. Una iniuriast 90
 Tecum. CH. Lege agito ergo. PH. Alterast tecum, Chreme.
 DE. Rape hunc. PH. Sic agitis? enimvero vocest opus.
 Nausistrata, exi. CH. Os opprime. DE. Inpurum vide,
 Quantum valet. PH. Nausistrata, inquam. CH. Non taces?
 PH. Taceam? DE. Nisi sequitur, pugnos in ventrem in-
 gere. 95
 PH. Vel oculum exculpe; est, ubi vos ulciscar probe.

ACTUS V. SCAENA VIII. [AL. SC. IX.]

NAUSISTRATA. CREMES. PHORMIO. DEMIPHO.

NA. Qui nominat me? CH. Hem. NA. Quid istuc tur-
 baest, obsecro,
 Mi vir? PH. Ehem, quid nunc obstipuisti? NA. Qui
 hic homost?
 Non mihi respondes? PH. Hiccine ut tibi respondeat?
 Qui herele, ubi sit, nescit. CH. Cave isti quicquam cre-
 duas.

PH. Abi, tange; si non totus friget. me enica. 5
 CH. Nihil est. NA. Quid ergo? quid istic narrat? PH.
 Iam scies;
 Ausulta. CH. Pergin' credere? NA. Quid ego, obsecro,
 Huic credam, qui nil dixit? PH. Delirat miser
 Timore. NA. Non pol temerest, quod tu tam times.
 CH. Egon' timeo? PH. Recete sane; quando nil times, 10
 Et hoc nihil est, quod ego dico, tu narra. DE. Scelus,
 Tibi narret? PH. Echo tu, factumst abs te sedulo
 Pro fratre. NA. Mi vir, non mihi dicis? CH. At — NA.
 Quid at?
 CH. Non opus est dicto. PH. Tibi quidem; at scito huic
 opust.
 In Lemno — CH. Hem, quid ais? DE. Non taces? PH.
 Clam te — CH. Ei mihi. 15
 PH. Uxorem duxit. NA. Mi homo, Di melius duint.
 PH. Sic factumst. NA. Perii misera. PH. Et inde filiam
 Suscepit iam unam, dum tu dormis. CH. Quid agimus?
 NA. Pro Di immortales, facimus indignum et malum.

DE. Hoc actumst. **PH.** An quicquam hodieſt factum indignius? 20

Qui mi, ubi ad uxores ventumſt, tum ſiunt ſenes.

NA. Demipho, te appello; nau me cum iſto diſtaedet loqui.

Hacc illae eraut itiones cerebrae et mansiones diuitiae Lemni? haecceine erat ea, quae noſtros minuit fructus, vilitas?

DE. Ego, Nausistrata, eſſe in hac re culpam meritum non nego; 25

Set ea quin sit ignoscenda — **PH.** Verba ſiunt mortuo.

DE. Nam neque neglegentia tua neque odio id fecit tuo. Vinolentus fere abhinc annos quindecim mulierculam

Eam conpreſſit, unde haec natast; neque poſtilla unquam adtigit.

Ea mortem obiit, e medio abiit, qui ſuit in re hac serupulus. 30

Quamobrem te oro, ut alia facta tua ſunt, aequo animo hoc feras.

NA. Quid ego aequo animo? cupio misera in hac re iam defungier;

Set quid sperem? aetate porro minus peccaturum putem? Iam tum erat ſenex, ſenectus ſi verecundos facit.

An mea forma atque aetas nunc magis expetendast, Demipho? 35

Quid mi hic adfers, quamobrem expectem aut sperem porro non fore?

PH. Exsequias Chremeti quibus eſt commodum ire, em tempus eſt.

Sic dabo; age nunc, Phormionem, qui volet, laccessito; Faxo eum tali mactatum, atque hic eſt infortunio.

Redeat ſane in gratiam; iam ſuppliſi ſatis eſt mihi: 40 Habet haec, eii quod, dum vivat, uſque ad aurem ogganiat.

NA. At meo merito credo. Quid ego nunc conmemorem, Demipho,

Singulatim, qualis ego in hunc fuerim? **DE.** Novi aequo omnia

Tecum. **NA.** Merito hoc meo videtur factum? **DE.** Minime gentium;

Verum quando iam accuſando fieri infectum non potest, 45 Ignosce; orat, confitetur, purgat; quid viſ amplius?

PH. *Enimvero, prius quam haec dat veniam, mihi prospiciam et Phadriae.*

Heus, Nausistrata. *prius quam huic respondes temere, audi.* NA. *Quid est?*

PH. *Ego minas triginta per fallacias ab illo abstuli;*
Eas dedi tuo gnato: *is pro sua amica lenoni dedit.* 50

CH. *Hem. quid ais?* NA. *Adeon' indignum hoc tibi videtur, filius*

Homo adulescens si habet unam amicam, tu uxores duas?
Nil pudere? quo ore illum obiurgabis? responde mihi.

DE. *Faciet, ut voles.* NA. *Immo, ut meam iam scias sententiam,*

Neque ego ignosco neque promitto quicquam neque respondeo, 55

Prius quam gnatum video: eius iudicio permitto omnia:
Quod is iubebit, faciam. DE. *Mulier sapiens es. Nausistrata.*

NA. *Satin' tibi hoc est?* CH. *Immo vero pulchre discedo et probe*

Et praeter spem. NA. *Tu tibi nomen dic quod est.* PH.
Min'? Phormio,

Vostrae familiae hercle amicus et tuo summus Phaedriae. 60

NA. *Phormio, at ego ecastor posthac tibi, quod potero, et quae voles,*

Faciamque et dicam. PH. *Benigne dicis.* NA. *Pol meritumist tuum.*

PH. *Vin' primum hodie facere, quod ego gaudeam, Nausistrata,*

Et quod tuo viro oculi doleant? NA. *Cupio.* PH. *Me ad coenam voca.*

NA. *Pol vero voco.* DE. *Eamus intro hinc.* CH. *Fiat;*
set ubist Phaedria, 65

Iudex noster? PH. *Iam hic faxo aderit.* VOS *valete et plaudite.*



Notae in Phormionem.

In hac fabula Terentius Graecam comoediam *Apollodori* imitatus est, sed eam mutato nomine *Phormionem* inscripsit a Phormione parasito, eni^m partes primae sunt (vid. Prolog. v. 24 sqq. et ibi not.). Apollodorus quis fuerit, non constat, quum plures eiusdem nominis comici poetae fuerint, alius Atheniensis, alius Carystius ex Euboea, alius Gelous, Menandri (vid. ad Andr. Prolog. 9) aequalis. — Ex didasealia discimus, hanc Terentii fabulam actam esse M. Valerio Messalla, C. Fannio Strabone Coss., a. u. 593=161 a. Chr. L. Postumio Albino (fortasse eo, qui a. u. 600=154 a. Chr. consul mortuus est), L. Cornelio Merula (de quo nihil inveni) aedilibus curulibus, *ludis Romanis*, quos per novem dies a pridie Nonas Septembres ad pridie Idus Sept. celebratos fuisse Kalendaria antiqua docent. Hi ludi, qui iidem magni s. maximi appellati sunt. a Tarquinio Prisco pri^mum facti esse dicuntur, deinde annui mansisse; pri^mum equi pugilesque in Circo Maximo spectabantur, postea scenici ludi instituti sunt a. u. 390=364 a. Chr.: anno autem urbis 514=240 a. Chr. L. Livius Andronicus primus fabulam docuit. Aediles curules hos ludos Iovi, Iunoni Minervaeque faciebant, dierum antem numerus alius alio tempore fuisse videtur.

Prolog. v. 1. *poeta vetus*] Vid. ad Andr. Prolog. 7. Panlo post vs. 6 sqq. indicari videtur, Luseum Lavinium fabulam scripsisse, in qua cervam, quam canes persequerentur, adolescentis alicuius opem implorare fecerit, atque ita prodigia, quae ad tragoeidas pertinere putabantur, in comoediam recepisse. Quodnam illius fabulae argumentum fuerit, ignoramus.

Prolog. v. 18 *ad famem*] Aediles enim, qui sua impensa ludos celebrando curabant, fabulas a poetis emebant. Sic Terentio pro Eunicho sua octo milia sestertium (fere 580 thaleri argentei) numerata esse dieuntur.

Prolog. v. 25. *Epidicazomenon*] Ἐπίκληρος (orba) Athenis dicebatur sive virgo sive nupta, quae, quum fratrem iusto matrimonio natum (*γνήσιον ἀδελφὸν*) non haberet, aut, si unica filia erat, omnium bonorum paternorum, aut, si sorores habebat, eorum ex parte heres erat. Eiusmodi Ἐπίκληρος si non ita a patre collocata aut desponsa erat, ut eius maritus bonorum defuncti patris heres institutus esset, a proximo cognato in matrimonium ducenda erat (cfr. I, 2, 75 sq.), ita ut filius hoc matrimonio natus, simul atque adolevisset, etiam vivo utroque parente bona avi materni caperet. Iam si eam propter divitias plures in matrimonium petebant, ἐπίδικος erat, i. e. caussa coram iudicibus agebatur, qui pronuntiarent, quis proximus cognatus (*ἀγχιστεύς*) esset, cui nubere deberet. Pauper Ἐπίκληρος dicebatur θῆσσα, eamque proximus cognatus aut ducere aut dotare debebat (cfr. II, 3, 66; III, 2, 63 sqq.), ita quidem ut, qui ex Solonis institutis πεντακοσιομέδιμνος esset, quingentas drachmas dotis daret, qui ἵππεὺς, trecentas, qui ζευγίτης, centum quinquaginta. Erat autem archontis eponymi curare, ut hoc fieret, et cuivis liebat einsmodi rem ad eum deferre (Demosth. adv. Macart. p. 1067 § 54). Sed quemadmodum divitem plures facile petebant (cfr. III, 2, 46 sqq.), ita pauperem non minus facile quivis aspernabatur, alium quandam, non se, proximum cognatum esse contendens (cfr. III, 2, 10 sq.). Quod ubi fiebat, iudicium erat re cognita statuere, quinam proximus eius cognatus habendus esset, qui eam aut uxorem dñeget aut cum dote alii collocaret. Ita et haec quodammodo ἐπίδικος siebat. — Ἐπιδικάζεσθαι τινος de eo dicitur, qui, ut aliquid sibi adjudicetur, a iudicibus petit; itaque in caassis orbarum ὁ ἐπιδικάζομενος is est, qui Ἐπίκληρον sive divitem sive pauperem coram iudicibus in matrimonium petit. Sed si Graeca fabula, quam in Phormione Terentius imitatus est, Ἐπιδικάζόμενος inscripta fuit, hoc ita intelligendum esse videtur, ut ὁ ἐπιδικάζομενος etiam is dictus sit, qui in iudicio contenderet, pauperem Ἐπίκληρον sive θῆσσαν ab aliquo ut proximo eius cognato ducendam esse; iam quum in hac fabula is esset Phormio (vid. I, 2, 75 sqq.), patet Terentium, quum Graecum vocabulum breviter Latine vertere non posset, ideō fabulam suam Phormionem nominasse. — Mirum est autem, quod inter Donati notas legitur, Terentium hic errasse; fabulam enim, quam transtulerit, ἐπιδικάζομένην dietam esse a puella, de qua iudicium esset, quum esset alia ἐπιδικάζομενος eiusdem Apollodori. At neque Terentius in einsmodi re errare potuit, neque ἐπιδικάζομένη Graece dicitur puella, de qua lis est.

Prolog. v. 31. *simili fortuna*] Respicit Heeyram, quae quum primum daretur, non peracta est, quum iterum, displicuit. Vid. Prolog. Heeyrae.

I, 1, 6. *ei mūnus hoc contraditur*] Respicere videtur ea dona, quae postridie nuptias sponsae a novo marito et ab amieis domesticisque

dari solebant (*ἀνακαλυπτήσια, ὀπτήσια, ἐπαύλια, ἀπαύλια, θεώρητος*). — Itaque Antiphō pridie eius diei, quo fabula agitur, uxorem duxisse putandus est.

I, 1, 9. *de demenso suo*] Graeci et Romani certam quandam frumenti mensuram servis suis ad vietum dabant, quod iis in singulos menses vel ultimo vel primo mensis die admensi esse videntur. Apud Graecos *χοῖνιξ* (i. e. duo sextarii, fere quantum apud nostrates *en Pot*) frumenti ad eibum diurnum constituta fuisse videtur; apud Romanos servi quaternos aut quinos modios (i. e. 32 aut 40 choenices) in mensem accipiebant, quod *demensum* dicebatur. Quinque modii fere tantum frumenti efficiunt, quantum apud nos nautis in mensem datur.

I, 1, 13. *ubi era pepererit*] Festum *ἀμφιδρέμια* sive *δρομιάμφιον* ήμαq respicere videtur. Etenim quinto (aut, ut alieni legitur, septimo) post partum die mulieres, quae parturienti adfuerant, manus lavabant et infantem circa foenum curreentes portabant, amicique et propinquai infanti munuscula mittebant, plerumque polypos et sepias. — Sunt etiam, qui dicant, iisdem amphidromiis nomen infanti impositum fuisse, quod alii septimo (hinc *ἔβδομενεσθαι*), alii decimo post partum die (hinc *τὴν δεκάτην θύειν* vel *ποτεῖν* vel *δεκάτην ἔστιασαι*) factum esse tradunt.

I, 1, 15. *ubi initabunt*] Quaenam hie dicat initia, obscurum est. Donatus ex Varro adfert, pueros, ubi primum a lacte et a cunis transissent, initiatos fuisse Eduliae (s. Edusae) et Potiae (s. Potinae) et Cubae, divis edendi et potandi et cubandi; ait praeterea Terentium Apollodorum sequi, apud quem legatur, in insula Samothraeum a certo tempore pueros initiari more Atheniensium, quod ut in palliata magis probandum esse. — Fieri potest, ut respiciantur *Ἀπατόγια*, quod festum mense Pyanepsione (fere nostro Octobri) per tres dies in honorem Baechi agebatnr; hornm primus (*δόρπεια s. δορπία*) convivio celebrabatur, secundo, qui dicebatur *ἄνάρρωσις*, Iovi Phratrio et Minervae saera faciebant, tertio, qui vocabatur *κονρεῶτις*, patres infantes superiore anno natos, postquam eos Athenienses a se Atheniensibus justo matrimonio creatos esse iurassent, aut etiam maiores natu liberos et adoptivos inter *φράτορες* et *γεννῆτες* recipiendos curabant, oblata victima, quae dicebatur *μεῖον* vel *κούρειον* s. *κούριον*. Erant autem Athenis duodecim *φράτριαι*, quibus privata quaedam sacra erant; harum singulæ triginta gentes (*γένη*) continebant. Qui eiusdem *φράτριας* erant, dicebantur *φράτορες*, qui eiusdem gentis, *γεννῆται*.

I, 2, 28. *Advorsum stimulum calcis*] Graecum proverbium est *πρὸς κέντρον λαντίζειν* (Pindar. Pyth. II, 173; Aeschyl. Agam. 1624; Euripid. Bacch. 795, alibi; efr. *πρὸς κέντρον κῶλον ἔκτείνειν* Aesch. Prometh. 323), ductum a bobus aliisque iumentis, quae stimulo sive ligno praeacuto a tergo fodientes regere agitatores solebant; calcibus enim reiectis se ipsa laedebant. Cfr. Plaut. Trucul. IV, 2, 55: *Si stimulos pugnis caedis, manibus plus dolet.* — Quum autem in proverbiis ipsum verbum saepius omittatur, hunc locum recte explicare videntur, qui intelligendum censem *iactare*.

I, 2, 29. *uti foro*] I. e. servire tempori. Proverbium est a mercatoribus ductum, qui quum ad forum rerum venalium venerunt, merces suas vendunt, non quanti voluerunt, sed quanti possunt.

I, 2, 39. *Tonstrina*] Tonsores veterum non modo capillos et barbam tondebant, verum etiam ungues resceabant. In eorum tabernas (*tonstrinas, κουρεία*) otiosi convenire solebant ibique sermones caedere.

I, 2, 47. *sita erat exadvorsum*] Vid. ad Andr. I, 1, 81.

I, 2, 75. *Lex est, ut orbae cet.*] Vid. ad Prolog. v. 25. — Mox v. 77 *dica* est Graec. δίκη.

I, 2, 90. *Ad precatorem*] Vid. ad Heautont. V, 2, 22.

I, 2, 100. *ad portitores*] Athenis omnium, quae importabantur et exportabantur, quinquagesima pars pretii ($\frac{1}{6}$ πεντηκοστή) ad portum exigebatur. Hoe portorium quotannis ab illis magistris, qui πωληται dicebantur et deceem erant numero, senatus ($\tauῆς βουλῆς$) auctoritate locabatur; qui conducebant (publicani), dicebantur τελῶναι, eorumque magister ἀρχώντος γ. τελωνάρχης; qui exigebant (portitores). τελῶναι, πεντηκοστολόγοι, ἐλιμενισταί, ἐκλογεῖς. Horum erat merces, quae importabantur vel exportabantur, scrutari et aestimare earumque pretia in codices referre. Ex hoe loco discimus, epistolas. ut videtur navibus adveetas, ad eos delatas fuisse; alibi autem legitur, epistolas apud eos resignatas et inspectas fuisse.

I, 2, 102. *da hoc Doreio*] Doreium Getae conserva et uxor sive contubernalis esse videtur.

II, 3, 62. *Servom hominem caussam orare leges non sinunt cet.*] Vid. ad Andr. IV, 5, 32.

II, 3, 66. *quod lex iubet*] Vid. ad Prolog. v. 25.

II, 3, 80. *illuc*] Vid. III, 4, 20.

II, 3, 81. *deos salutatum*] Peregre advenientes deos salutare (i. e. venerari) iisque gratias agere solebant.

III, 1, 11. *in nervom crumpat*] Nervus fuisse dicitur ferreum vineulum, quo pedes impedirentur, interdum etiam cervicees vinearentur. Eius loco apud Athenienses in usu erat ποδοπάκη (fortasse quas Cicero dicit lignas soleas) aut ξύλον, quo et pedes et cervicees inducebantur. In vinclis autem coniciebantur ($\deltaν\tauῷ\xi\lambdaω\hat{\epsilon}\delta\acute{\theta}\eta\sigma\epsilon\nu$) quum alii innocentium debitores publici ($οἱ\tauῷ\deltaημοσίῳ\hat{\alpha}\acute{\phi}\varepsilon\iota\lambdaοντε\acute{s}$); etenim qui aut, quum veetigalia publica conduxisserent (cfr. ad I, 2, 100), pecuniam ad diem non solverant, aut aliis nominibus aliquid aerariis publicis debebant, aut in iudicio publico pecunia muletati erant, hi omnes in vinclis tenebantur, donec, quod deberent, solvissent. — Videtur Geta timere, ne Phormio ut συκοφάντης in ius rapiatur (cfr. h. l. v. 15 sqq. et V, 7, 43 sqq.); erat enim actio συκοφαντίας Athenis constituta, si cui quis, ut pecuniam ab eo extorqueret aut in universum lucri gratia, litem minatus esset eumve re vera sine iusta caussa in ius vocasset. Huic

erimini quum nulla poena legibus constituta esset, iudicium erat caussa cognita decernere, quid reus pati aut solvere deberet; ita aliquem in eiusmodi caussa deem drachmarum milibus muletatum esse legimus (Lysias adv. Agorat. § 65). Iam quum sciat Geta, non esse Phormioni, unde muletam solvat, fore p[ro]aevidet, ut in vineula coniiciatur. Cfr. IV, 4, 15.

III, 1, 20. *ducent damnatum domum*] Hoc non ex Atheniensium legibus explicandum esse videtur, quibus nemo civis, quod sciāt, post Solonem certe, alii addieci poterat, sed ex iure Romano. Erat enim in lege duodecim tabularum, ut iis, qui debiti indicati essent, triginta dies darentur conquirendae pecuniae caussa, quam dissolverent; si ad diem non solvissent, ad praetorem vocabantur et ab eo, quibus erant indicati, addicebantur, nervo quoque aut compedibus vineiebantur; nisi suo viverent, ii, qui eos vincos habebant, libras farris in dies dare debebant. Quum sexaginta dies nexi fuissent neque debitum solvissent neque alium, ut pro se pecuniam dependeret, movissent, creditori eos aut interficere aut trans Tiberim vendere liebat (Gell. Noct. Att. XX. 1.). Hoc autem et more publico repudiatum est et lege Poetilia Papiria (a. u. 428=326 a. Chr.) cautum, ne quis aeris alieni caussa neceteretur, utique bona tantummodo obnoxia essent. Nihilo tamen minus debitores, qui solvendo non erant, etiam postea creditoribus ita addicti suis videtur, ut pro pecunia, quam deberent, operas serviles dare cogerentur, dum solverent.

III, 2, 21. *Videas te atque illum, ut narras*] In loco vexatissimo probo eam interpretationem, quam Donatus primam proposuit: *par me illi existim atque illum tibi*. Respicere te atque illum: nam, ut ex verbis tuis suspicio, in illum optimum iudicas, quia tui simillimus fuit. Phormio hoc cum ironia dictum esse intelligens irasci se simulat.

III, 2, 56. *magistratus adi*] Omnes Atheniensium magistratus in suo quaque genere iurisdictionem (*ἡγεμονίαν δικαστηρίου*) habebant. Iam si quis alii litem intendere volebat, adversario ante denuntiare debebat, ut certo die ad competentem magistratum adesset (qua in re testes, *πλήρες* s. *πλήτορες*, adhibebantur), quamquam eum in quibusdam caassis cogere poterat, ut statim secum in ius ambularet (cfr. V, 7, 43 sqq.). Quum ad magistratum ventum erat, libellus, accusationis s. inscriptionis ei tradebatur, quo facto eius erat examinare, utrum aecipi caussa posset an reiicienda esset; si acciperet, litigantibus diem constituit, quo ad coniectionem caussae (*τὴν ἀνάρριστην*) adessent. Tum illi uterque argumenta sua iureirando firmata proponebat, leges, quarum in caussa agenda usus futuruserat, omnis generis tabulas, testimonia, quaestiones (s. indicia servis per quaestionem expressa), alia scripta tradebat, quae in urnas aeneas aut fietiles (*ταυς ἔχινους*) coniiciebantur. Iam si causa in iudicium deducenda erat, haec urnae signatae apud magistratum servabantur usque ad eum diem, quo caussa apud indices agenda erat. Iudices autem (*οἱ ἡλιασταῖ*) quattuor ex omnibus civibus, qui triginta annos nati erant, sorte legebantur; eorum sex milia erant, ex quibus, quoties eaussa indicanda erat, thesmothetae (qui sex erant) legitimū numerū (plerumque

quingentos. interdum plures. raro pauciores) sortiebantur. Erat autem eius **magistratus**. ad quem caussa pertinebat, curare. ut thesmothetae iudices sortirentur. diemque caussae agendae constituere; tum vero caussam in indicium deducere (*εἰσάγειν*). iudicio praesesse. litigantibus aquam infundere. orationibus ab utraque parte habitis iudices in suffragia mittere (*ψῆφον διδόναι*) eaque numerare et. quod maior pars iudicium iudicasset. pronuntiare et describere. — In caassis orbarum (vid. ad Prolog. v. 25) archon eponymus competens **magistratus** erat.

III. 2. 57. *Iudicium de eadem causa iterum ut reddant tibi]* Et Athenis et Romae ius erat. ut res diiudicata in iudicium deduci iterum non posset. adeo ut. qui de eadem re iterum lege agere vellet. submoveretur exceptione rei iudicatae. Hinc *actum agere* (v. 72) in proverbium venit de eo. qui frustra operam sumit. — Si quis autem. quum absens in contumaciam damnatus esset. iureiurando firmaret. se non sua culpa absuisse. ei iudicium iterum dari poterat (*ή δικη ἀνάδικος ἐγένετο*); idem in quibusdam caassis fieri poterat. si quis indices falsis testibus deceptos fuisse probasset.

III. 2. 63. *minas quinque accipe]* Vid. ad Prolog. v. 25.

III. 2. 75. *tua praeterierat iam ad ducendum aetas]* Certam legibus constitutam fuisse aetatem. qua quis praeterlapsa orbam ducere cogi non posset. non crediderim. quamquam senes decrepitos. quum Solonis legi (Plutarch. *Sēc.* n. 20) satisfacere vix possent. orbas puellas potius junioribus conceperat. quam ipsos duxisse verisimile est.

III. 5. 17. *Neque Antiphō alia cet.]* Si locus sanus est. eorum interpretatio probanda esse videtur. qui *neque alia* iungunt. ut Phaedria hoc sibi malum tum obiectum esse queratur. quum Antiphō *non alia* (i. e. eadem) sollicitudine occupatus sibi auxilium ferre nequeat. Bentleius autem. qui post *neque* minimam distinctionem ponit. Phaedriam Antiphonis felicitati invidenter (cfr. II. 1. 10 sqq.) indignari putat. non tum sibi hoc malum obiectum esse. quum Antiphō alia sollicitudine occupatus esset (nunc autem se in sollicitudine esse. quum Antiphō beatissimus sit), vel ex aemulatione et invidia inter pares et cognatos. vel quod in miseria socii se invicem magis carent et adiuvent.

IV. 3. 39. *Talentum magnum]* Talentum magnum est talentum Atticum. quod sexaginta minis. sex milibus drachmarum constabat (valebat fere mile *Species*. quas dicimus. nostri argenti). Erant autem apud Graecos etiam alia talenta. Attico partim maiora partim minora.

IV. 3. 42. *suscepisse]* Vid. ad Andr. I. 3. 14.

IV. 3. 58. *Aediculae ob decem alias]* Pretia aedificiorum apud Athenienses a tribus minis ad duo talenta indicata invenimus.

IV. 4. 15. *In nervom potius ibit]* Cfr. ad III. 1. 11. Demipho Phormionem in ius vocare poterat. ut acceptas triginta minas restitueret (fortasse *δίκη ἀργυρίον* aut *βλάβης*): sed quomodo in

nodi caussa vineula Phormioni timenda fnerint, non facile est dicere, nisi forte Terentius hoc non ex Attieo, sed ex Romano iure scripsit (cfr. ad III. 1, 20).

IV. 4. 21. *sacrificandi*] Vid. ad Andr. II. 2. 25.

IV. 4. 25. *ater alienus canis cet.*] Huiusmodi monstrata et prodigia superstitione apud omnes gentes permulta finxit; pleraque eorum, quae hic enumerantur, etiam apud alios scriptores commemorata inveniuntur. quaedam. nisi fallor. etiam apud nos pro portentis habentur. — Donatus observatum esse scribit. in qua domo gallina cecinerit. superiori marito esse uxorem. et religionem quibusdam esse aggredi negotium aliquod diebus deerescientibus.

V. 1. 3. *Ita fugias. ne praeter casam*] Hoc proverbium ab aliis aliter explicatur; mihi placet ea interpretatio. quae inter tres a Donato propositas prima est: *ne praetreas casam tuam. quae sit tibi tutissimum receptaculum*. Verba illa proprie ei dicuntur, qui malum aut hostem fugieus nimio fugae studio abreptus etiam casam suam. quam petit. praeterit. Est igitur sensus *ne quid nimis* (Andr. I. 1. 34), vel quod Horatius (Sat. I. 2. 24) his verbis extulit: *dum vitant stulti ritia. in contraria currunt*.

V. 1. 15. *vorsura solvis*] Versura solvit, qui, quum neque sortem neque usuras ad diem solvere possit, usuris ad sortem adiectis novum aes alienum priore maius contrahit: sic praesens malum in diem quidem abit. quum solvendi tempus differat, sed dem re erexit. — Contra versuram facit, qui pecuniam mutuam &c. t.

V. 4. 2. *emissast manu*] "Manumitti servus dicebatur. quum dominus eius aut caput ejusdem servi aut aliud membrum tenens dicebat: *Hunc hominem liberum esse volo*, et emittebat eum e manu" (Paul. Diaec. Excerpt. Festi lib. XI pag. 104 ed. Lindem.). Apud Romanos hoc plerumque eoram magistratu (consule, practore, pro consule) fiebat, adhibito lictore, qui quum servum manumittendum virga (festuca, vindicta) tetigisset, cum in orbem circumagebat et alapa inflcta liberum dimittebat, ut abiret, quo vellet. — Apud Athenienses autem neque tot ambagibus opus erat, neque magistratus manumissioni interfuisse videtur. Multos servos per testamenta manumissos fuisse legimus, unum in iudicio (Isaci Fragm. Orat. pro Eumathe), vetitumque fuisse scimus servum manumissum in theatro per praeconem pronuntiari (Aeschin. adv. Ctesiph. § 41. 44). Ceterum servi a privatis hominibus manumissi (*ἀπελεύθεροι*) non cives fiebant. sed inquilini (*μέτοικοι*), dominumque priorem patronum (*προστάτην*) sumere cogebantur.

V. 4. 9. *Sunium*] Sunium promontorium et pagus Atticae, ubi erat forum rerum venalium.

V. 4. 10. *dudum*] Vid. IV. 3. 60.

V. 4. 12. *ostium concrepuit*] Vid. ad Andr. IV. 1. 59.

V. 5. 1. *fors fortuna*] Fortem Fortunam, quae dea Romae a plebe potissimum et servis colebatur. Cicero (Leg. II. 11. 28) incertos

casus significare dicit, alii bonam Fortunam esse interpretantur. Duo huius deae templa trans Tiberim erant, alterum a Servio Tullio dedicatum, alterum a Sp. Carvilio consule (a. u. 461=293 a. Chr.).

V, 5, 19. *argentum tibi dedimus apud forum*] In foro mensas et tabernas suas argentarii habebant; vid. ad V, 7, 29.

V, 7, 29. *Argentum rursum iube rescribi*] Argentarii sive mensariorum (*οἱ τραπεζῖται*) apud veteres non modo diversi generis numos permutabant (pro qua permutatione collybus. *κόλλυβος*, iis solvebatur), sed etiam, idque praecepue, suis et aliorum pecunis negotiabantur. Apud eos enim, si qui pecuniam suam otiosam esse nollent, eam sub usuris deponebant, eamque ipsi graviore faenore, quam quo mutuati erant, collocabant. Tabulae eorum (s. mensae rationes) publicam fidem atque auctoritatem habebant, ut in iudicium prolatae ad debitum probandum sufficerent; propterea in omnibus rebus emendis, vendendis contrahendisque negotiis tabellionum munere fungebantur auctionibusque praeerant; per eos eredebantur pecuniae eorumque scriptura fibebant litterarum obligationes (cfr. V, 5, 19). — Iam vero duplex erat solvendi modus, aut *de domo s. ex arca* aut *a mensa s. ex mensae scriptura*. Qui a mensa solvebat, aut pecuniam ab argentario faenore sumebat aut, si pecuniam apud eum depositam habebat, inde quantum necesse erat creditori solvi iubebat. Argentarius autem in tabulas suas referebat, quid a quo quo tempore quo nomine accepisset, et quid cui quo tempore quo nomine dedisset. Itaque *argentum rescribit*, qui pecuniam per argentarium reddit, *discribit*, qui eam inter plures dividit, ut suam quisque partem accipiat.

V, 7, 90. *una iniuria*] i. e. actio iniuriarum. *δίνη αἰνίας*.

V, 8, 37. *Exsequias Chremeti et ceterorum*] Eiusmodi formula apud Romanos praeco usus esse videtur, quum in funeribus, quae *indictiva* dieebantur, homines ad exsequias coherestandas evocaret.



PZ869

LL
T316pE
Terence. Phormio
Phormio; ed. by Ulysses.

**University of Toronto
Library**

**DO NOT
REMOVE
THE
CARD
FROM
THIS
POCKET**

NAME OF BORROWER

DATE

Acme Library Card Pocket
LOWE-MARTIN CO. LIMITED

